

## 題竹

陳關榮

一九七三年十月二十日

生來勁拔直而剛， 入畫油然翠更蒼。  
結籽荒時期濟世， 焚身臘月以消涼。  
新枝意寫詩風骨， 老莖情吹笛抑揚。  
不肯彎從緣百節， 取材誰懂度寬長？

## 永遇樂

次辛棄疾詞韻而作

陳關榮

一九六九年七月十八日

天地菁華，江山正是，疑游仙處。  
樂舞啼鳴，清榮峻茂，忘卻歸離去。  
金風颯颯，碧波漫漫，送我瓊中留住。  
更當要，勤勞錘棘，花園蕭艾如虎。

春秋厄著，離騷黜賦，憤疾而為可顧。  
遇坎不停，躓而復起，世上崎嶇路。  
如今應笑，儒冠自誤，塞上已聞金鼓。  
空嗟嘆：長風破浪，堪知慙否？

